

Mga Hangyo Sa Pag-ampo Sa Tibuok Kalibutan

- Kita nagaampo alang mga Adventistan membro nga nanag-atubang og paglutos o pagkabinilanggo tungod sa ilang mga tinuohan.
- Kita nagaampo alang sa usa ka espiritoohanon nga pagpabuhi taliwala sa mga kabatan-onan nga Seventh-Day Adventist nga nang-eskwela sa mga publikong kolehiyo ug unibersidad sa tibuok kalibutan. Unta sila mahimong mga maabtikon nga ambahador alang kang Cristo.
- Kita nagaampo ang sa 68 porsyento sa populasyon sa yuta nga wala makadawat og walay lipodlipod nga presentasyon ni Jesus.
- Kita nagaampo alang sa 62 milyones ka katawhan diha sa 28 ka wala-kaayo maabot nga mga ciudad sa kanhi Unyon Sobyet (Euro-Asia Division).
- Kita nagaampo alang sa Dios sa pagpatubo og mga maisug nga misyonero nga mawilihon sa pagbuhat taliwala sa 746 ka mga grupo sa katawhan diha sa 20 ka nasud sa Tungang Silangan.
- Kita nagaampo alang sa usa ka kusgang bul-og sa mga Adventista nga mosilbi sa Dios pinaagi sa paghigugma sa uban ug pinaagi sa pagpahat sa katawhan gikan sa ubang mga kultura ug relihiyon.
- Palihog pagpabarog og mga moderno nga estudyanteng Waldensianhon nga mga masinugtanon sa pagsilbi Kanimo diha sa mga malisud nga dapit.
- Kami nagaampo alang sa 202 milyones ka katawhan diha sa 41 ka wala-kaayo maabot nga mga ciudad sa Southern Asia-Pacific Division nga makaila ni Jesus.
- Kami nagaampo alang sa Departamento sa Sabbath School/Personal Ministries sa matag lokal nga iglesia samtang sila magsusi sa plano sa Dios ug aboton ang ilang mga kumunidad nga may mahigugmaong pagsilbi, pagtuon sa Biblia, ug personal nga pagpanaksi.
- Kami nagaampo alang sa Adventist Development and Relief Agency (ADRA) samtang sila magasagubang sa mga praktikal nga panginahanglan palibot sa tibuok kalibutan.
- Kami nagaampo alang sa 16 milyones ka katawhan diha sa 6 ka wala-kaayo maabot nga mga ciudad sa South Pacific Division.
- Kami nagaampo alang sa Balaang Espiritu sa pagtabang kanato unsaon sa pag-abot sa 406 milyones ka katawhan diha sa 105 ka wala-kaayo maabot nga mga ciudad sa Northern Asia-Pacific Division.
- Intawon panalangini ang pagpalihok sa Adventist Chaplaincy Ministries sa mga chaplains ug interesadong mga membro sa pagminsiteryo alang niadtong mga anaa sa bilanggoan.
- Ginoo, kami nagaampo alang sa mga magtutudlo sa Sabbath School. Palihog pahibaloa sila unsa ka mahinungdanon ang ilang buhat alang sa atong kabataan.
- Ginoo, kami nagapangit sa imong giya alang sa mga daghang Sentro sa Impluwensya, mga program alang sa panglawas ug panimalay, ug mga Pathfinder clubs sa tibuok kalibutan.
- Kami nagaampo nga Ikaw motabang kanamo sa paghigugma ug pag-atiman sa mga bag-ong membro.
- Ginoo, palihog ipakita kanamo unsaon sa pagpadala og mas daghan pang basahon nga puno sa kamatuoran (pinatik ug elektronik) ngadto sa among mga kumunidad. Kami nagaampo nga ang katawhan mobasa niini ug nga ang Balaang Espiritu mopasabot kanila sa kamatuoran sa Biblia.
- Ginoo, kami nagahangyo sa Imong pagpanalipod sa mga misyonero nga nagabuhay diha sa mga makuyaw nga dapit.
- Palihog magpabarug og mga kolportiyor, mga bulontaryo nga estudyante, mga magsusulat, mga espesyalista sa media, ug mga tigsuportar og salapi sa pagpangkatag-katag sa mga pulong sa paglaum ug kinabuhi.
- Kami nagaampo alang sa mga Adventistang tulonghaan, mga estudyante, ug mga magtutudlo sa tibuok kalibutan. Unta kini nga mga tulonghaan kanunay magtudlo sa kamatuoran sa Biblia ug mangulo sa mga batan-on ngadto sa misyon ug pag-alagad.
- Ginoo, hatagi kami kaalam sa pag-abot sa mga sekular nga kultura nga walat interes sa relihiyon. Ipalumpag sa Imong Balaang Espiritu ang mga pader nga nagapalibot sa mga sekular nga kasingkasing.

- Panalangini kami samtang among aboton ang katawhan nga naulipon sa pagsimbag espiritu, diosdios, ug mga tinuohan sa mga mananap. Tabangi kami sa pagsabot sa ilang panan-aw ug sa pagpaila-ila nila ngadto sa usa ka personal nga Manluluwas.
- Ginoo, palihon dasiga ang mga Seventh-Day Adventist sa tibuok kalibutan sa pag-ampo nga wala pa sukad nahitabo. Unta kami magdungan sa pagpangalyupo alang sa ikaduhang ulan sa Balaang Espiritu, sigon sa gisaad diha sa Joel 2, Oseas 6, ug Buhat 2.
- Kami nagaampo alang sa 541 ka mga grupo sa katawhan diha sa 18 ka nasud sa Southern Africa-Indian Ocean Division. Palihon pangulohi sila paingon sa kamatuoran sa Biblia.
- Ipakita kanimong unsaon sa pagsagubang sa praktikal ug espiritoohanon nga mga panginahanglan sa mga kagyo. Unta ang among iglesia mailhan tungod sa among gugma sa tanan katawhan, bisan kinsa sila o bisan diin sila gikan.
- Unta kita magmatud-anon ug magmantala sa hingpit sa Mensahe sa Tulo ka mga Manolunda sa Pinadayag 14. Unta atong masentro tanan natong panudlo sa gugma ug pagkamatarung ni Cristo.
- Nagahangyo kami Kanimong sa pagpabarug og mga misyonero sa ciudad sa pagpananum og mga simbahan alang sa 806 ka mga grupo sa katawhan diha sa 20 ka nasud sa Inter-European Division.
- Palihog pagpabaru og usa ka kasundalohan sa mga magbubuhay sa pagpananum og mga simbahan alang sa 948 ka mga grupo sa katawhan diha sa 38 ka nasud sa Inter-American Division.
- Intawon tudloi kami unsaon sa pagmantala sa mga tinuohan nga sukaranan sa iglesia nga may kaklaro, kamalalangan, ug may biblikanhong katinuoran. Unta ang gugma ni Jesus mamahimong sentro sa matag butang nga atong gituohan.
- Ginoo, intawon andama ang kabatan-onan sa pagpananum og mga simbahan alang sa 789 ka mga grupo sa katawhan diha sa 9 ka nasud sa North American Division.
- Kama nagahangyo Kanimong sa pag-andam og mga bulontaryo sa pagsilbi sa 70 ka mga grupo sa katawhan diha sa Israel Field.
- Kami nagahangyon Kanimong sa pagpabarug og mga misyonero mediko sa pagpananum og mga simbahan taliwala sa 830 ka mga grupo sa katawhan diha sa 11 ka nasud sa East-Central Africa Division.
- Nagahangyo kami Kanimong sa pagpabarug og mga bagani sa pag-ampo sa pagpataliwala alang sa 2,568 ka mga grupo sa katawhan diha sa 4 ka nasud sa Southern Asia Division.
- Intawon unta ang mga panimalay magpadayag sa Imong gugma diha sa among mga puloy-anan ug kumunidad. Kami nagahangyo Kanimong sa pagdalag kauyonan ngadto sa mga puloy-anan, sa pag-ayo sa mga naguba nga relasyon, sa pagpanalipod sa mga dali maabuso, ug sa pagpadayag sa Imong nagabalaan nga gahum diha sa daw wala-nay paglaum nga mga kahimtang.
- Unta ang among mga membro sa iglesia, mga pastor, ug mga pangulo sa tibuok kalibutan mokaon sa Pulong sa Dios matag adlaw. Unta kami usab mangiya Kanimong sa adlaw-adlaw diha sa personal nga pag-ampo. Pahinumdumi kami nga kon wala Ikaw, wala kami mahimo.
- Kami nagahangyon Kanimong sa pagpabarug og mga narses ug mga doktors sa pagpananum og mga bag-ong simbahan taliwala sa 1,978 ka mga grupo sa katawhan diha sa 22 ka nasud sa West-Central Africa Division.
- Kami nagaampo alang sa 49 milyones ka katawhan diha sa 19 ka wala-kaayo maabot nga mga ciudad sa Trans-European Division.
- Kami nagaampo alang sa among kabataan. Palihog hatagi silag gahum sa pagtindog nga maisug alang Kanimong sa dihang sila makasugata og mga babag ug problema. Tabangi sila sa paghimog maalam nga mga pagpili ug sa pagtindog alang sa kamatuoran.
- Tudloi kami sa pagsunod sa dili-hakog nga sumbanan ni Cristo pinaagi sa pagsagubang sa inadlaw nga mga panginahanglan sa katawhan nga suod kanamo. Sangkapi kami sa pagsilbi ingon nga mga misyonero mediko, mga bulojntaryo sa kumunidad, ug mga higala alang sa mga nanginahanglan.
- Ginoo, unta ang usa ka kusgan nga pagpabuhay sa karaan nga pagkadiosnon magasilhig sa Imong iglesia diha sa mga kataposang kaadlawan. Unta kita magtindog alang sa kamatuoran bisan mangatagak pa ang kalangitan.

- Kami nagaampo alang sa mga pangulo sa mga batan-on sa tibuok kalibutan nga sa matud-anon nagapahat sa atong kapanulondan ngadto sa sunod nga kaliwatan: *kailhanan* diha kang Cristo, *misyon* ingon nga mga Seventh-Day Adventists, ug *pagpangulo* diha sa lokal nga iglesia.
- Kami nagaampo alang sa mga batan-on nga nanagpuyo sa makuyaw alang sa Ginoo pinaagi sa *One Year in Mission* ug *Mission Caleb*.
- Ginoo, intawon ipakita kanamo ang usa ka hinatag sa Dios nga estratehiya alang sa pagpang-abot sa mga Jericho sa kalibutan uban sa mga Mensaye sa Tulo ka mga Manolunda ug sa pagpangulo sa mga Rahab diha sa matag ciudad ngadto sa kaluwasan diha kang Cristo.
- Ginoo, intawon ayoha ug hupaya ang minilyon nga nanag-antus sa mga sakit ug kagaw. Ipakita kanamo unsaon nga mamahimong imong mga kamot ug mga tiil sa pagpanalangin sa mga nagaantus ug pagdalag paglaum ngadto sa mga nangahadlok.